



Instituto Pedagógico Arubano

Tradicionnan di Aruba, Boneiro y Corsou pa cuminsa un prospero aña nobo

Instituto Pedagógico Arubano y Biblioteca Nacional Aruba y organisado drs. Mirto Lacle ta invita henter e comunidad di Aruba pa asisti na e prome actividad cultural, linguistico y literario di aña 2014: 'The night holds me back'.

Nochi no ke laga mi bai ta un documentario produci pa sra. Catherine Ariëns encuanto e forsa y poder di tambu di Corsou. Riba tononan di tambu di pasado catibonan por a expresa nan dolor di e inhumanidad di sclavitud y a la vez expresa forsa pa por sobrevivi. Tambu di awendia tambe ta cubri e mesun necesidad pa expresa sentimento. Den e documentario *Nochi no ke laga mi bai* tambu ta demostra harmonia di canto, musica y baile. Esaki ta surgi di e cultura cu e catibonan di Africa a hiba na hermana isla Corsou. Den e temponan aya Gobierno Colonial Hulandes cu Iglesia Catolico a prohibi y suprimi tambu cu consecuencia cu pueblo tabatin berguensa pa su propio cultura. Tambu contemporaneo ta libra di e pasado aki y duna un bista den alma y mente di un gran parti di e poblacion Curasoleño. 'Mas bo sera, mas mi bria' (Tambu Pichi Lebeton).

Vicente Kelly y su grupo lo deleita esnan presente cu un dande autentico di Aruba. Boneiro lo keda representa cu Maskarada. Bini un, bini tur!

Fecha: diahuebs, 30 januari 2014

Luga: Biblioteca Nacional Aruba (Madurostraat)

Orario: 7or di anochi

Entrada: gratis

Pa mas informacion por tuma contacto cu sr. Mirto Lacle na 7402044 of 5868998.